

後序

人生天地間圓首方足抱識含情稟五行之秀為萬物之靈佛性仙材無不具藥爐丹竈無不備若能屏嗜慾棄浮華絕貪求去名利靜息虛凝則可以長生久視長真譚公仙人以宿緣符契壯歲得遇重陽祖師與丹陽長生長春同師也厥後相從真人西抵汴梁付以口訣後至洛川積功累行先厭世而登真有留語錄詞章僅數百篇皆包藏妙用窮達造化命之曰水雲集傳之四方久矣值丙午間濬郡大水漂沒其板神仙長生劉公聞之不勝憫悼即命工重刊於東萊全真堂今又值累年兵革天下無有全者路鈐高友并其妻孟常善舉家孜孜慕道往來

道藏輯要

水雲集
後序

卷

胃集五
×××

於淮楚間訪尋真人遺藁乃於門弟子處疑若神授得其全帙恐其斯文泯絕今復鏤板印行於山陽城西菴實見高君用心於教門之切也嗚呼真人羽化已久斯文不可再得及見僕先父所作前序又屬予為後跋遂不揆荒蕪勉述

又

僕一日編類諸仙降批詞頌珠璧集間忽有高牙大燾森擁蓬扉僕愕然興之而迎其門乃蕭師故來下盼相揖而進之謂予曰頃有道友張志全不遠數千里而來攜斯長真子譚師父平世述作水雲集一部特以見遺某然而不解文墨忝於教門粗欽慕之奈屢經兵火將諸全真玄奧之書板集俱已焚毀殆盡

唯有此集幸好事者藏諸屋壁仍存焉若不再行鏤板傳於四方誠恐泯絕又聞將來慕道者參訪耳願爲重刊之序僕應之曰曩者有東牟范學正父子才高歆向學富固彪已序之矣僕安敢措手耶屢辭不獲聊爲散語以塞雅命云爾時己丑年重陽日

道藏輯要

水雲集
後序

吳

胃集五